

ILLVSTRI AC GENERO.
SO D. D. OCTAVIANO SECUNDO
FVGGERO, BARONI KIRCHBERGAE ET VVEISSEN.
horni, S. Cæs. Mai. à consiliis, Reipub. Augustanæ
Duumviro, Domino & Patrono suo summa
observantia honorando,
S. P.

VM, ILLVSTRI SET GENEROSE BARO, MVSICÆ,
artis nunquam satis laudare, ea sit ratio, ut non in politicis tantum rebus
in signis eius usus appareat, sed maxime in sacris & Ecclesiasticis: jure in
illam non minus opera, quam in ullam aliam disciplinam liberalem, confe-
rimus. Ac quantum ipsa communi vita serviat, neminem latet. Cernimus,
eos qui laboribus perfunguntur gravissimis, hos ipsos accinendo quipiam lenire. Convivia
quæcunq; grata & accepta hand existimantur, nisi harmonia sive organica sive hominum,
sive utraq; etiam conjuncta ita illa temperentur, ut convivæ, anteà subtristes, extra se ve-
lunt rapiantur hilaresq; reddantur. Quæta vero eius vis sit in Ecclesia: cum sacra literæ nos
docet, tū ipsa experientia. Sumus enim naturæ segniores ad virtutis studiū: cuius præcepta ut
aliquid quasi agentibus instillaretur: divina providentia hoc velut remedium esse voluit, quo
ad sacra perdiscenda homines invitarentur. Hinc psalmodie, hinc hymni: quibus par-
tim erudimur, partim Deum omnis boni autorem celebramus. Quæ de causa Liturgiæ
quoq; institutæ sunt, sive (ut verius dicam) id genus cantica, qua in illarum administra-
tione adhibentur, ut cœlestis illius Musica sitim in nobis accenderent. Quod genus Li-
turgica melodemata ut & componerem, & in lucem ederem; persuaderi mihi sum passus &
quibus ne patrocinium deforit, ea Illustri Generositati Tue consecrare volui. Eius me cau-
sus adferre, vix necessarium arbitror. Norunt enim hic quam plurimi, quæ Illustris
G. Tue propensa voluntas, qui ardens fit amor in pium illum Musicæ sum: norunt, quæ
ab annis jam quatuordecim eiusdem Ill. G. T. in me, artis illius divine studiosum, be-
neficia extent. Ut igitur aliquod animi grati ostenderem indicum; hos Liturgiarum mo-
dos sub Illustris G. Tue nomine publicavi: quos eo velim animo excipiat, quo me haëte-
nus complecti non est designata. Illustris G. T. bene valeat, cuius in clientelam me com-
mendo. Augusta Vind: Calend. Septemb. Anno M. D. IG.

Illustris G. T. observantiss.
eidemq; deditiss: servus

Ioann: Leo Hasler.